

**BOSNA I HERCEGOVINA
FEDERACIJA BOSNE I HERCEGOVINE
VLADA**

PRIJEDLOG

**O D L U K A
O DAVANJU SAGLASNOSTI NA IZVJEŠTAJ
„ZDRAVSTVENO STANJE STANOVNIŠTVA I ZDRAVSTVENA ZAŠTITA U
FEDERACIJI BOSNE I HERCEGOVINE – 2019. GODINA“**

Sarajevo, juni 2021. godine

Na osnovu člana 152. stav (2) Poslovnika Predstavničkog doma Parlamenta Federacije Bosne i Hercegovine („Službene novine Federacije BiH“, br. 69/07, 2/08 i 26/20) i člana 143. stav (2) Poslovnika o radu Doma naroda Parlamenta Federacije Bosne i Hercegovine („Službene novine Federacije BiH“, br. 27/03, 21/09 i 24/20) Predstavnički dom Parlamenta Federacije Bosne i Hercegovine, na sjednici održanoj godine i Dom naroda Parlamenta Federacije Bosne i Hercegovine na sjednici održanoj godine, d o n i o j e

O D L U K U

**O DAVANJU SAGLASNOSTI NA IZVJEŠTAJ
„ZDRAVSTVENO STANJE STANOVNIŠTVA I ZDRAVSTVENA ZAŠTITA
U FEDERACIJI BOSNE I HERCEGOVINE – 2019. GODINA“**

I.

Daje se saglasnost na Izvještaj Zavoda za javno zdravstvo Federacije Bosne i Hercegovine „Zdravstveno stanje stanovništva i zdravstvena zaštita u Federaciji Bosne i Hercegovine – 2019. godina“.

II.

Izvještaj iz tačke I. nalazi se u prilogu ove odluke i čini njen sastavni dio.

III.

Ova odluka stupa na snagu narednog dana od dana objavljivanja u „Službenim novinama Federacije BiH“.

Broj:

Datum:

Predsjedavajući
Doma naroda
Parlamenta Federacije BiH

Predsjedavajući
Predstavničkog doma
Parlamenta Federacije BiH

OBRAZLOŽENJE

Odluke o davanju saglasnosti na Izvještaj „Zdravstveno stanje stanovništva i zdravstvena zaštita u Federaciji Bosne i Hercegovine – 2019. godina“

I - ZAKONSKI OSNOV

Zakonski osnov za donošenje ove odluke sadržan je u članu 143. stav (2) Poslovnika o radu Doma naroda Parlamenta Federacije Bosne i Hercegovine („Službene novine Federacije BiH“, br. 27/03, 21/09 i 24/20) i članu 152. stav (2) Poslovnika Predstavničkog doma Parlamenta Federacije Bosne i Hercegovine („Službene novine Federacije BiH“, br. 69/07, 2/08 i 26/20).

II - RAZLOZI ZA DONOŠENJE

Zavod za javno zdravstvo Federacije Bosne i Hercegovine izradio je Izvještaj „Zdravstveno stanje stanovništva i zdravstvena zaštita u Federaciji Bosne i Hercegovine - 2019.godina“, koji je usvojen od strane Upravnog odbora Zavoda za javno zdravstvo saglasno članu 65. Zakona o zdravstvenoj zaštiti („Službene novine Federacije BiH“, br. 46/10 i 75/13). Odluka Upravnog odbora Zavoda nalazi se u prilogu.

Navedeni dokument se putem Federalnog ministarstva zdravstva dostavlja Vladi Federacije Bosne i Hercegovine na razmatranje i prihvatanje, a Vlada Federacije Parlamentu Federacije BiH dostavlja isti na razmatranje i davanje saglasnosti, s obzirom na to da je Federacija Bosne i Hercegovine, odnosno Parlament Federacije Bosne i Hercegovine osnivač ove zdravstvene ustanove saglasno članu 53. stav 2. Zakona o zdravstvenoj zaštiti.

Naime, praćenje i analiza zdravstvenog stanja stanovništva na teritoriji Federacije BiH, kao i provođenje predloženih i usvojenih mjera je obaveza Federacije BiH iz člana 11. stav (1) tačka 8. Zakona o zdravstvenoj zaštiti, i to u smislu društvene brige za zdravlje na nivou Federacije BiH. Nadalje, na osnovu člana 116. stav (1) alineja 1. istog Zakona, Zavod za javno zdravstvo Federacije BiH obavlja poslove provođenja zdravstveno statističkih istraživanja u svrhu praćenja, procjene i analize zdravstvenog stanja stanovništva, kao i organizacije zdravstvene zaštite. S tim u vezi, Zavod za javno zdravstvo Federacije BiH godišnje priprema dokument „Zdravstveno stanje stanovništva i zdravstvena zaštita u Federaciji Bosne i Hercegovine“, koji usvaja Upravni odbor Zavoda i dostavlja Federalnom ministarstvu zdravstva radi upućivanja u daljnji postupak razmatranja, odnosno davanja saglasnosti.

Izvještaj „Zdravstveno stanje stanovništva i zdravstvena zaštita u Federaciji Bosne i Hercegovine - 2019.godina“ sadrži analizu podataka i pokazatelja u Federaciji BiH, kao prikaz osnovnih pokazatelja stanja zdravlja i zdravstvene zaštite po kantonima. Iz analize proističu zaključci i preporuke. Izvještaj je podijeljen u sedam poglavlja. Procjena stanja zdravlja stanovništva prikazana u Izvještaju je

neophodna za definiranje prioriteta, planiranje i donošenje posebnih programa za provođenje zdravstvene zaštite, kao i neophodnih mjera shodno članu 10. stav (1) alineja 1. Zakona o zdravstvenoj zaštiti.

III - OBRAZLOŽENJE

Tačkom I. Odluke daje se saglasnost na Izvještaj Zavoda za javno zdravstvo Federacije Bosne i Hercegovine „Zdravstveno stanje stanovništva i zdravstvena zaštita u Federaciji Bosne i Hercegovine – 2019. godina“.

Tačkom II. Odluke definirano je da je Izvještaj iz tačke I. sastavni dio ove Odluke i da se nalaze u prilogu.

Tačkom III. Odluke predviđeno je da ista stupa na snagu narednog dana od dana objavljivanja u „Službenim novinama Federacije BiH“.

IV - FINANSIJSKA SREDSTVA

Za realizaciju ove odluke nisu potrebna dodatna izdvajanja sredstava iz Budžeta Federacije BiH.